



EMPERATRIZ PERDOMO: 20 año como fotografo profesional

ORANJESTAD-(AAN): Awe dia 15 di January 2005 Emperatriz ta recorda cu net 20 año pasa e la bende su prome potret como fotografo profesional.

Emperatriz Perdomo a studia psicologia na Colombia cu ta su pais natal y na año '74 Emperatriz a yega Aruba y a keda di e tempo ey biba na Aruba.

Awe por bisa cu Emperatriz tabata e prome hende muher na Aruba cu a drenta e mundo di fotografia cu antes tabata wordo domina hopi pa hende homber.

E nomber di Emperatriz na Aruba ta conoci pa su trabao nan di calidad, pa su dedicacion, pa su trabaonan mag-nifico di fotografia.

Mas cu 20 año pasa Emperatriz no a pensa cu esaki lo por tabata di gran ayudo pe y cu e lo por a biba di dje y logra supera eta-

panan dificil den su bida.

Den comienzo di su carera hopi ta esnan cu a critica Emperatriz cu a bise cu e tra-bao ey no ta algo pa hende muher y tampoco no ta un profesion.

Como mama soltera di 3 yiu Emperatriz a sa di hiba su famia padilanti cu su logro-nan cu su esfuerzonan cosechando exito na Aruba cu su potretnan.

Awe Emperatriz tin asina hopi album cu potretnan historico, impactante, chistoso y emo-cional cu ta marca e 20 añanan di dedicacion na su profesion.

Ora cu scucha e nomber di Emperatriz ta scucha nomber di un dama potencial, dinam-ica y profesional.

Ainda Emperatriz ta corda con e la cuminsa den e ramo cu su prome proyecto cu a habri varios otro porta pe y su famia.

Cu tempo Emperatriz a logra exito y respet pa su obranan impresionante cu a destaca atravez di año y proyecto.

Tur e albumnan cu Emperatriz tin di fotonan bieu awor ta wordo pasa ariba CD y warda pa esnan cu lo mester di nan algun dia of pa publicacionnan etc.

Henter famia ta traha hunto, ta join otro den tur actividad y e yiu mayor tambe ta traha directo cu Emperatriz.

Awor te hasta e nieta di Emperatriz ta saca potretnan espectacular cu ta duna indi-cacion cu e sanger artistico ta den famia.

DIARIO ta felicita Emperatriz Perdomo cu 20 año di exito y profesionalismo como fotografo profesional y cu e lo ta ehempel pa otro hende muhernan pa lucha pa bay dilanti y tur trabao ta trabao y tanten ta haci esaki cu dedi-cacion y amor.